

良鄉縣志

良鄉縣志卷之五

人物志

鄉賢 忠烈 孝義 耆老 僑寓 選舉
進士舉貢表 封廕文武眾途表 列女

瓌寶之所蘊山水以為光華神物之所憑澤藪
以為靈閭不必其程廣員較尋步也猶國邑以人
材為盛衰不在大小強弱貧富也雖然國邑之
盛衰人材為之人材之盛衰風教為之耳藉也
士之覽斯志者兢勸於不朽之業雅歌棫樸風
奏兔置則嚮無間之雄奇昭余所之幽阻滄沱
易水之源深而流長何必不在吾燎石一卷聖
水一勺間也

良鄉縣志

卷五人物志 鄉賢

一

鄉賢

賢士大夫生為儀型歿可傳述古祭於社今祭
於庠一也祀因乎賢賢而祀固傳賢而弗及祀
亦傳從千百世下夷考其人蓋論定乃益昭大
公矣夫丹華絲草不拘於曲瘁之株紫芝芳莠
不限於斤鹵之壤矧良邑為燕中都地古稱人

物俱良賢豪生其間其樹勳立言垂不朽也宜哉茲所志紀祀也亦紀賢也

周

樂毅其先祖樂羊爲魏文侯將伐取中山文侯封以靈壽子孫因家焉樂毅賢好兵趙人舉之及武靈王有沙丘之亂乃去趙適魏聞燕昭王以子之之亂而齊大敗燕燕怨齊未嘗忘報樂毅爲魏昭王使於燕隨委質爲臣當是時齊湣王

良鄉縣志

卷五人物志

鄉賢

二

彊百姓弗堪燕昭王問伐齊之事樂毅對曰齊霸國之餘業也地大人眾未易獨攻也王必欲伐之莫如與趙及楚衛諸侯皆適合縱與燕伐齊樂毅於是并護趙楚韓魏燕之兵以伐齊破之攻入臨淄盡取齊寶財物祭器輸之燕昭王封樂毅於昌國號爲昌國君復使樂毅以兵平齊城之不下者樂毅留徇齊五歲下齊七十餘城惟獨莒卽墨未復燕昭王死惠王卽位齊田

單聞之乃縱反間於燕惠王乃使騎劫代將而
召樂毅樂毅遂西降趙封樂毅於觀津號曰望
諸君燕惠王後悔使騎劫代樂毅以故破軍亡
將失齊乃使人讓樂毅且謝之樂毅以書報遺
燕惠王於是燕王復以樂毅子樂聞爲昌國君
樂毅卒於趙

晉

霍原廣陽人少有志節嘗詣京師貴游子弟皆求

良鄉縣志

卷五人物志

鄉賢

三

一見同郡劉岱將舉之未果而病焉臨終勅其
子沈曰霍原慕道清虛方成奇器汝必薦之原
山居積歲門徒數百及沈爲大中正舉原爲秘
書郎元康末下州郡以賢良徵皆不就

唐

李景略李懷光爲朔方節度使景略爲大理司直
懷光屯軍咸陽萌反狀將襲東渭橋召幕府議
景略曰取長安殺朱泚散軍還諸道單騎詣行

在此轉禍爲福之根也懷光不聽景略痛哭出
後拜豐州刺史威令肅然回紇畏之卒贈工部
尙書

周

竇禹鈞與兄禹錫皆以詞學名唐天佑末起家幽
州椽爲左諫議大夫致仕廣行陰德置義塾延
名儒給衣食以教四方遊學之士生五子儀儼
偁侃僖等相繼登科時號竇氏五龍馮道贈詩
良鄉縣志

卷五人物志

鄉賢

四

曰燕山竇十郎教子有義方靈椿一株老丹桂
五枝芳

遼

楊績太平十一年進士及第累遷南院樞密使興
宗以舊臣特召燕見論古今治亂人臣邪正方
今契丹忠直無如耶律玦漢人則劉伸而已然
熟察之伸又不如玦之剛介績拜賀曰何代無
賢遇亂世則獨善其身遇明主則兼濟天下陛

下銖分邪正升黜分明天下幸甚後封趙王

金

韓懿字偉之北趙里人登天會六年進士官至朝散大夫前安東節度判官騎都尉南陽開國男食邑三百戶賜紫金魚袋懿未第時亡命殘擾乃糾北趙村附近少壯捍衛鄉里賴以安

梁斗南字拱宸邑南里人性穎悟工詩讀書閭山與同舍論及鬼神以爲不足畏同舍生曰閭山

良鄉縣志

卷五人物志

鄉賢

五

廣甯廟汝能夜獨往乎斗南曰諾當堊其壁爲驗往則遙見殿上燈燭照耀聞曰丞相來燈燭盡滅斗南以筆堊殿壁間由門至東北隅暗中觸一物捫之則人也携以歸乃一女子有殊色問其故曰妾蘇州人因清明觀擊毬忽怪風晝晦昏暗中不省至此而爲公所救人皆驚異事聞以女配斗南生二子人謂之天賜夫人云斗南登進士第一官至河南都運有幹局長於吏

事時輩服其通敏二子敬恭敬左司郎恭仕元
世祖性行端潔寵遇甚厚官至金紫光祿大夫
中書平章事

元

梁德珪字伯溫仕至叅知政事在省久凡錢穀出
納銓選進退諸藩賜予或上命驟至同列莫知
所對從容數語卽定京師地震世祖怪州郡報
囚之數過多德珪曰當國者急於徵索蔓收延

良鄉縣志

卷五人物志

鄉賢

六

繫以致此耳帝悟因大赦民賴以蘇

梁陟舉進士以名儒徵領燕京編修所事卒謚通
獻先生

明

趙錦正德丁丑進士歷官兵部尙書加太子太保
功業詳墓誌銘

楊秦字濟之生而英敏端慤兒時父問之曰女志
何如曰我欲爲御史父奇之丁丑登進士第除

行人武宗南巡秦率同列抗疏諫廷杖謫國子
監學正嘉靖元年復任行人授福建道監察御
史其奉差陝西清戎也查盤軍器照刷文卷清
審刑獄因奏建局除戎器又疏請惜人材以隆
治化三年復命攝四道事議廟制劾禮官依違
不決出爲四川按察司僉事平寇有功賜金綺
賑川北飢民以勞卒於官復膺欽卹

國朝

良鄉縣志

卷五人物志

鄉賢

七

張元樞順治四年進士任浙江處州府推官嚴勾
引營兵賭博之禁按行屬邑踏勘荒田請蠲逋
賦時寇氛未靖間有株連輒省之其他修學
課士尤多善政處民至今稱之

楊之柄字栢梁號九春順治十六年舉人除稷山
縣知縣旋簡甯波府知府爲人性直而通敏處
安一以是非爲斷不徇人毀譽日行吾心所安
而已山東黃家瑞宰良鄉爲文力追兩漢少許

可而獨心折之柄後宰他邑招入幕讞獄之文
必假手成之之柄蒞稷山任殫心撫字不遺餘
力其大者請蠲荒地逋糧三萬餘減舊額之半
編邑戶三十六里爲二十四里均役輪差其守
甯波凡六年精密宏達處盤錯能迎刃解如除
吏弊裁差擾折訟獄懲豪猾賑荒弭盜諸政罔
不措理裕如卒之日城門卒若聞有呵殿而出
者或云見之柄從騎入廟故民爲立祠至今尸
祝之不忘焉

徐肇興號曜靈生而恂謹寡言笑年十一喪父無
伯叔兄弟惟母氏是依年十八入泮母年逾六
旬肇興遂澹榮利家居務農以奉母承歡養志
昕夕不離左右宗族以孝稱自奉甚儉卽布衣
不做盡不改作而遇事慷慨戚友中生養死葬
無力者輒賙之邑有凶荒務謀賑濟全活無算
歌頌見於道路假人財不立券常曰情重錢輕

償不償聽之斷不可留一紙書致後人索償以沒前情也生平黜華崇實接物以忠恕無間初終治家有條理舉動悉取法先民有子七或授詩書或教騎射使各有成就以故登甲乙科貢成均廩增附咸備年五十八一日觀戲歸方弄孫一卧不起其生平行事至今嘖嘖人口云

張垆字魯平號厚菴學者稱爲厚菴先生天性孝友早歲遭父喪哀毀骨立事母尤孝謹父歿事

無鉅細悉稟命於長兄慷慨好義以濟困扶危爲已任家少儲積而宗族孤寡不能自給者悉贍之其間業師文安陳喬皇老而貧垆歲得館金悉以相奉喬皇歿并賜其子孫館於常氏常有停柩三不能葬家不及中人產而負債累數千是年老壯三人歿於疫惟其徒景仁年十三僅存垆爲拊搯葬六柩償夙負撫景仁成立爲授室焉其友庠生吳信夫歿其子不才家頓落

垌凋其困且善教之卒克家年三十潛心性理
學問無所不優尤能躬行實踐執業門下者百
餘人貧者不責修脯且恆周之教人以忠信爲
根本以莊敬爲規模以五倫五事爲實行講貫
經史反覆發明使人體認以收實效晚年益斂
英銳之氣漸入渾然持心虛而見義必勇約以
奉己濟物不少吝接人嚴不使人憚和不使人
狎蓋得於道者深也爲歲貢生候選訓導累薦

不第母沒遂不應舉無子以姪孫三泰爲之孫年
五十而卒里人聞而輟業及葬涕泣臨穴者四
百餘家著有四書叢說待梓邑宰爲申請崇祀
鄉賢

游觀第號杏村任家營人幼聰穎讀書別有會心
及長受業張魯坪之門學益進咸豐乙卯領鄉
薦庚申成進士由知縣改就教職歷任順德河
間廣平教授所至整學規端士習毅然以斯文

爲已任一時名士皆從之游前後受業者不下數百人性易與人交相待以誠無急言遽色而義利之界則介然不可犯任筱沅中丞知順德府時重其品學值大計吏以卓異薦得

旨任候陞後選授湖北廣濟縣知縣因病未赴旋卒於廣平任所年五十五歲生平講學以經術爲根本著述甚富有四書講義說詩錄古今體詩暨科舉文若干卷藏於家

忠烈

士大夫值多事之秋本期上衛社稷下保生民非僅以一死塞責也迨至事不可爲慷慨就義捐軀以報國家亦賢者之不幸矣然而俎豆旂常一息千古名垂於竹帛賞逮於子孫以視夫碌碌庸庸終老牖下者其相去不啻霄壤非所謂死重於泰山與孔子曰殺身以成仁禮曰臨難毋苟免讀斯志者可以想見其人矣

良鄉縣志

卷五人物志 忠烈

三

明

王景正德四年流寇亂景代父從征至太和縣歿於陣

張其廉功貢任陝西鳳翔府通判遷鄖陽府同知隨督師征流寇戰歿汴梁

侯鼎祿鼓腹屯人以賢良方正授山西霍州州判遇流寇之亂殉難

陳螽測武舉崇禎二年大兵破良鄉與生員梅友

松同時殉難

梅友松生員

張子卿字君貴號調鼎石羊里人以賢良方正授

山東濟南府陽信縣知縣崇禎壬午殉難癸未

題贈奉政大夫山東提刑按察司僉事廕一子

入監

史崇文大甯縣典史崇禎十七年城陷陣亡

孫文華字雲台美化里人出行伍崇禎十一年任

良鄉縣志

卷五人物志 忠烈

三

山海關守備十五年歸里十七年遇流寇十八

騎於長溝峪紅門隻身抵敵殺三賊因失足為

賊傷戰歿

國朝

袁生芝明崇禎丙子科舉人任山西長子縣知縣

順治初官商維道城陷自經死合門死者三十

二人

楊三知字伯筠順治二年進士任榆次縣知縣有

惠政擢兵部主事陞本部郎中累遷四川松龍道陝西榆林中路道僉事會提督王輔臣反三知方以代覲還抵保德或止之不聽抵鎮日夜爲守禦計而守將孫崇雅開門納賊執三知命之降不從眾拔刃相擬脅取勅印又不與賊擁之至署三知給賊出急呼妻妾子婦悉投井中三知別赴一井賊偵之急負出右臂已折而不死大罵賊不絕口賊閉之一室仍誘之降不從無甚傷事平

贈光祿寺少卿廕一子

侯國祥鼓腹屯人順治四年授眞定鎮標守備勦賊陣歿

翁殿一良鄉營額外外委同治元年正月檄赴大名防堵捻匪北竄隨秦觀察聚奎帶兵進勦十

一月初九日遇賊於桑何鎮迤南力戰陣亡
趙保昌武生良鄉營記名額外外委咸豐八年奉
檄隨拱極營游擊李省躬出師揚州九年四月
朔在六合縣野浦橋與賊接仗戰歿
蔡維先良鄉營記名額外外委咸豐八年隨大軍
勦粵匪駐紮揚州一帶九年九月內在六合縣
境接仗歿於陣

劉文瀾武童縣屬十三里村人同治二年六月內

良鄉縣志

卷五人物志

孝義

五

馬賊李明子等圖劫京餉知縣莊元端督兵捕
拿文瀾率村眾往援力戰被戕嗣馬賊悉就獲
上其事於

朝得優卹

孝義

孝旨如醴泉國多孝則風雨時內行修休祥且
自召焉聖人作經向北面而磬折目爲寶文邑
有其人修懿行垂令譽紀之亦足爲簡冊光矣
又或行義以公天下之利舉而措之行而宜之
允堪振勵末俗表樹風聲烏可以弗傳舊志列
目併爲一亦以見親親仁民本末賅斯爲完人
矣今仍之

元

張誠字彥清邑西里人元大德間嘗見遺篋於道
舉以待遺者久之有張琮者哭而至曰兄瑾非
罪逮繫營贖亡此將併命焉誠以篋歸之誠六
十無嗣後生一子聰慧過人年二十登第官尙
書侍御史西台中丞翰林學士

劉器之邑南里人五世同居聚族百餘復置義學
延名師以訓鄉里英宗幸涿州臨其家詢以睦

族之道對曰在義而已苟資財有偏厚衣食有所私匿皆爭端也誠能以義處之斗米尺布公其出納則宗族自睦英宗善其對賜金五十兩旌其門

明

魏寰興州中屯衛人居父喪三日不食幾滅性既葬結廬墓側朝夕悲號形毀骨立鳩鵲入墓爲巢鄉人歎慕咸以爲孝感所致

良鄉縣志

卷五人物志 孝義

七

朱錦父輝早卒錦未幾歲母平氏守節不嫁上事舅姑錦成立奉祖父母必跪進食事母亦如之得美味不敢嘗必先奉祖父母而後奉母怡聲愉色順志承顏鄉人咸稱其孝

楊瑛興州中屯衛人父母疾革謂瑛曰爾兄弟無分居父歿兄弟求分財瑛佯許之乃他適數月方歸或問之瑛曰手足天性欲分者一時之私久之則友愛之情如故矣後兄弟屢欲分而瑛

屢他適卒全父命及兄弟俱歿撫羣姪如子五世同居百口共爨年八十終教育子孫有方忠孝濟濟鄉國皆稱義門

楊舉興州中屯衛人嘗得遺金一囊還其人舉艱嗣是年生子人以為陰德所致

楊守公名宦秦之子至性孝友嘉靖三十一年守公應試薦時兄守正為副守公白學院阮鶚讓兄應薦守正固辭守公固讓誠懇甚切阮為之動容檄邑旌其閭曰孝友之門

張銓號衡宇石羊里人性孝友蚤失怙恃事諸兄嫂如父母諸兄歿撫姪猶子及孫曾同居如一宗族鄉黨無閒言自奉至儉素而於恤孤濟難助婚殯死諸事則罔不竭力厚施甲子歲里胥張姓有負於官至鬻子賣妾償之銓代為完納使得復聚而絕口不道戊寅兵馬雲集食不克給銓出穀五百石草三萬束有司列之奏章得

旨給敘庚辰歲凶人相食銓煮粥賑之存活不可勝計遣人收遺骸作大壙數處理之後連歲被兵銓皆得脫遇亂兵夾道不之見值盜勒馬向之百方不前乃免山行失足墜萬仞下不死人以爲厚德之報

張錫卿字調鼎恩選貢士考知縣第一名爲衡宇封君冢男甲申之變適他出聞寇掠人比餉痛心曰吾家有素封之名吾父定罹其毒急歸省

視果然慨然曰吾父年七十何堪遽問我願以身代及受刑夾木折繩絕終無怨言久之方釋

國朝

李自貴字士元城西太平莊人母劉氏早寡自貴侍奉惟謹晨昏飲饌必親治起居扶掖未嘗少離母偶有疾手調藥餌乃敢進事無鉅細必稟命乃行自壯至老無敢稍拂親意母享年百齡自貴亦壽至七十八歲

宋得榮豐足里人與弟同居甚友愛得榮無子弟
有子八人撫之如已出尙義輕財每出必携錢
兩貫以施與道中貧乏嘗隨之行里中無力婚
殮者多賴其飲助本村廟宇屢倡捐修葺某年
冬自外歸見樹下一童子方投繯急解救詢係
北京人姓葛名兆鵬因家難逃出無歸情急不
欲生遂訪還其家俾骨肉完聚如初

劉大興字盛庵居東街事親至孝教子有方自奉
儉約施與無吝色遇戚族貧困者招之同居婚
嫁事皆力任之又恒樂爲人解紛鄉里交頌其
德道光元年恭逢

御極覃恩賞給八品頂戴

陳福邑東南莊村人幼失恃怙家貧賴祖母撫養
成立克盡孝養越三十餘年里黨無閒言爲邑
率李所嘉獎恆給錢米周其困乏祖母年八十
餘病歿盡變家產營殯葬孤身投石村藥王寺

棲身聞者哀之

王鎮字銘樞居公村里十甲長楊村幼讀書稍長入絀肆學賈店主因折閱以店業鬻於鎮數載成巨富鎮復覓舊主歸其業道光十二年亢旱鎮出粟賑飢不計數不責償還遇瘟疫盛行捨藥施棺不少吝深州孫姓歿於旅店鎮爲殮殮送歸其家邑中建修城隍廟三教菴及本村石橋皆鎮力任之

張富業居高舍里七甲幼業儒及長服賈奉母至孝誠敬無違同治六年邑紳公言於當事以孝聞賞八品頂戴是年八月卒年已八十二矣

陳尙義字遵疇詳之子居城北公村年十九入泮與房邑霍朗山孝廉友善間相與遊獵及母病遂痛自懊悔禱於神矢不復爲藥餌必手自煎衣不解帶者數月母愈不肯遠離依里門以舌耕爲業或三五日或十數日必歸省視館穀悉

以奉甘旨嘗謂人曰人以子弟相託則終身之成敗係之本村有王姓聰慧家貧不能就傅尙義招入塾課之讀不取脩脯卒成其名

張瀚字碧海歲貢生候選訓導廣陽里人幼聰穎弱冠遊邑庠食廩餼宗師器之飭學官舉優行適父疾亟歸省同人阻之瞿然曰父病不歸事且不可爲人雖擢高第何貴乎遂不試而歸平居性嚴正喜排難解紛鄉人有爭端得公一言

良鄉縣志

卷五人物志 孝義

三

輒釋好爲義舉邑魁樓久圯集貲鳩工爲同人倡樓藉以成其他善行多類此晚年家居講學孜孜不倦後進有穎悟者不擇修脯飲食而教誨之成就者甚多尤精歧黃貧者疾每助藥餌資雖酷暑嚴寒延之罔弗至鄉鄰感之顏其門曰善被一方

張銳字敬庵幼業舉子業會應童試因母失明晝夜侍奉遂輟業弟釗時在襁抱乏乳食常負之

就鄰婦求脯焉性質樸治家勤儉可爲鄉里法
見人有奢侈者必力戒之中年喪偶恐子女失
所守義弗娶卒年七十八歲計鰥居三十六年
矣

耆老

古者貴德尚齒視學崇年公卿奉杖大夫進履
凡所以尊養之者典至渥也衢巷之叟山澤之
遺非必求顯於世而年彌高則德彌劭天錫以
遐齡蓋有由矣可弗傳歟特世遠人湮不能遠
稽惟就我

朝見聞所及備錄之於篇庶幾老成典型於茲未墜
可為鄉望之一助焉

良鄉縣志

卷五人物志 耆老

三

國朝

蘇之表 陶村里人

任朝輔

何秉智 興州屯人

徐懋官 豐足屯人

唐澄 興州屯人

唐澹 興州屯人

李文質 廣陽里人

吳江鱗

芮迪祥

鵠應存

鄭登霄

劉天貴 北召里人

孟吉兆

張九鵬

李占鼇 永安里人

劉萬德 永安里人

孫廷昌 燕谷里人

楊鳴訓

侯桐 以上皆舊志所載事實無攷

楊彭年南洛村人卒年八十二

賈文煥石村人好濟貧恤難年九十六猶強健如

少壯人以爲好善之報云

李國棟字隆吉石村人幼穎異嗜學能文年十九

應童子試學使亟賞之取入泮家無擔石儲不

良鄉縣志

卷五人物志 耆老 三五

以介意雖釜甑生塵讀益勤書聲琅琅若出金

石名噪庠序執經請業者戶外屢常滿晚年學

益純粹以明經終

張諭字曉川邑庠生世居太平莊性伉爽慷慨尙

義凡救患捍災務引爲己任年旣邁好善益力

常爲本村建義倉春借秋還貧苦賴以不困復

設義塾里中貧不能讀者多就學焉其條教甚

嚴學者多所成就鄉里欽之光緒十三年公送

義被一鄉之額

鮑玉田字蘊山鮑家莊人性敦篤不與聞戶外事朝夕下帷讀顧屢薦不售貢成均以授徒爲業教人以崇實學黜浮華士多歸之晚歲益澹榮利閉戶自精足跡罕至城市云

王廷佐字興邦城南長社村人弱冠赴童子試冠其軍父母早亡遺薄田一頃廷佐晝出耕耘夜輒鍵戶讀負大志卒不售時人多惜之顧家貧不屑屑爲升斗計遇貧苦恆樂施濟雖屢空猶事揮霍至老不倦年逾古稀以諸生終

良鄉縣志



卷五人物志 耆老

三

黃連貴石羊村人年八十有八精神矍鑠居恆赴田中作苦以倡率家人家頗裕雖年邁不敢少暇逸素性樸直自奉甚儉約遇善舉輒樂解囊鄉鄰有匱乏恆貸以錢米俟秋傭工償之戒家人曰人有乞錢行利於我者有則與之勿取息取息則償還愈難矣其忠厚勤儉之風至今鄉

入樂道之一姪兩孫並列膠庠

趙方石羊村人年八十有七有田數十畝皆躬目
耕耘暇猶傭工於本村人咸稱之曰矍鑠哉是
翁

閆燦歲貢生侯選訓導幼穎悟讀書過目輒不忘
弱冠食廩餼秋試屢薦不售遂絕意仕進里居
講學成就甚多卒年八十餘

薄雲從城東水碾村人現年八十九

良鄉縣志

卷五人物志

耆老

三

董順水碾村人現年九十一

賀村水碾村人現年八十八

李常山水碾村人現年八十六

物或以致遠爲貴士或以羈旅稱賢國鴻寶器
不必其土之良况燕趙古遊藪也彼君子兮嗟
肯適我沮洳一曲敢不三咏蒹葭

明

郭璋字廷圭領順天鄉薦登戊辰進士授刑部主
事晉員外郎致仕嘉靖七年邑宰王公文秀以
禮敦請至良主講數年多所成就卒葬於邑家

良鄉縣志

卷五人物志

僑寓

三

焉

郭秉聰字子愚號良山上林苑藉領正德己卯順
天鄉薦登嘉靖丙戌進士第由庶吉士改工部
管繕司主事晉員外郎光祿少卿右通政己亥
致仕家居生計蕭然不以爲慮授徒講學自爲
舉子至謝政四方從游之士數百人因才施教
曲爲成就掇科登仕內而臺諫省寺外而郡邑
藩臬爲時聞人者先後相望焉卜築舊店以居

劉宇揚四川人萬厯年舉人公車數上俱寓城南
魯村立志甚堅不得第弗作歸計詩文膾炙人
口兩弟宇烈宇亮俱任翰林皆引例爲兄迴避
崇禎年仕昌平道僉事

吳鍾齋字齋穉江南武進人久著文名累試不第
及廷試詣京設帳邑南崇禎癸酉領鄉薦甲戌
會試中式門下多所成就授浙江長治知縣陞
南京禮部主事有文集行世

長鄉縣志

卷五人物志 僑寓

三

國朝

劉二名國重遼東人順治元年冬住居本境慈善
存心處家和睦排人之難調人之急輕財重義
樂於施捨每遇人困苦輒生惻隱心殆其天性
然與康熙八年

鑿輿幸其地面爲嘉獎所當著之邑乘爲好善者勸
也

選舉

士欲表見於世舍選舉無由顧得失盛衰因乎
所遇匪可強也然苟能興起於學通經好古以
修策名之實挾榮世之資則開涇鬱樹風聲豈
異人任哉連茹彙征表儀方夏直俟其會耳雅
有之思皇多士生此王國良固今之豐鎬也雲
漢在上榛楛在下跂予望之

晉

良鄉縣志

卷五人物志

選舉

三

霍原詳鄉賢

後魏

公孫質初爲中書學生遷博士超遷尙書追贈中
護軍將軍光祿勳幽州刺史廣陽侯謚曰恭
公孫表拜尙書郎後爲博士復爲吳興將軍廣州

刺史

隋

楊讓

唐

李景儉德宗貞元十九年為翰林學士

李景略工部尚書詳鄉賢

尹秦廣陽里人御史大夫甯州刺史

尹厦廣陽里人幽州節度押衙中散大夫檢校驃

騎將軍兼侍御史

尹績光義村人幽州節度衙前兵馬使銀青光祿

大夫檢校太子賓客兼殿中侍御史山北七軍

良鄉縣志

卷五人物志

選舉

三

檢巡口鎮使

尹佐績之子開成間官雄武將馬步都將銀青光

祿大夫檢校國子監祭酒兼殿中侍御史上柱

國

尹漢賓佐之子官太僕

宋

翟永固經義策第一

遼

楊績太平十一年登進士第詳鄉賢

韓夔北趙里人登進士第朝散大夫賜紫金魚袋
金

梁斗南登進士第一累官至河南都運詳鄉賢

韓懿登天會六年進士南陽開國男詳鄉賢

元

梁恭斗南次子中書平章事詳鄉賢

梁德珪叅知政事詳鄉賢

良鄉縣志

卷五人物志 選舉

三

梁陟進士詳鄉賢

以上按舊志備載以下自明始列表

明進士 武進士附 舉人 武舉附

洪武

恩拔副歲優貢

王進

戶部郎中

蘇太

陝西延安
縣典史

傅好禮

河南懷慶
府教諭

魏淡

保定縣典
史

李凱

良鄉縣志

卷五

進士舉貢表

三

陝西華州
訓導

張林

張紳

知縣

毛玉

張崑

山西平陽
推官

李進

陝西宜陽
縣縣丞

永樂

張士

段崑

良鄉縣志

卷五

進士舉貢表

王輔

山東平度州判

馮富

刑部主事

蘇林

河南衛輝府通判

李誠

江南丹徒縣知縣

江南丹徒縣知縣

蕭本

李擴

劇復

科分未詳

工部屯田司主事

唐敏

盧州府英縣主簿

辛綬

鴻臚寺序班

劉忠

嚴州檢校

李英

雷

永安里人

尙忠

厚俗里人

朱璿

廣陽里人禮科給事中

張恕

北趙里人新野縣丞

張忠

正統

元年

劇

復

給事中

縣丞

郝繼隆

州同

蘇霖

通判

鞏宜

厚俗里人
山西榆次
縣知縣

孟

翟廸

知州

景泰

陳謀

知縣

毛通

知縣

天順

侯諫

知縣

魯禧

都事

良鄉縣志

卷五

進士舉貢表

良鄉縣志

卷五 進士舉貢表

成化 辛 禮

胡 贊

劉 選

趙 瑄

長史

高 裕

教諭

高 魏

州判

石 琮

經歷

陳 厚

經歷

申 斌

知縣

姜

尙 賓

知縣

耿 清

州判

王 昇

訓導

良鄉縣志

卷五 進士舉貢表

毛

侯賜

主簿

南玉

縣丞

劉聚

主簿

鞏敬

吏目

弘治

二十一年

毛玉

玉

給事中

高舉

舉

州判

謝高

高

學正

石盤

盤

縣丞

鍾璿

璿

訓導

毛銳

銳

正德

二十五年

楊秦

秦

詳鄉賢

五年

胡昭

昭

楊秦

秦

魏寰

寰

教諭

趙錦

錦

八年

趙錦

錦

王麟

麟

胡昭

良鄉縣志

卷五 進士舉貢表

訓導

邵昱

教諭

崔鉉

知縣

王麒

謝文達

訓導

吳

魏瑄

訓導

陶禮

訓導

崔堯

訓導

王暉

楊臣

王堯卿

西乙年

山西潞城縣知縣

朱鐸

弋年七

楊譽

嘉靖 王教

二癸年

一甲二名 祭酒

良鄉縣志

卷五

進士舉貢表

字謙之

毛沂

主簿

徐傅

訓導

許宏

知縣

張天鈞

訓導

王澤

王

金華府經歷

楊守植

靜甯州州判

任槐

范縣知縣

張魯

樂平縣知縣

姚希賢

良鄉縣志

卷五 進士舉貢表

學正

謝文振

教諭

樊彥文

諭 巨野縣教

魏 觀

李 唐

主簿

罕

趙中立

吳秉智

王 龍

魏東山

縣丞

楊守正

固城縣知

楊守公

良鄉縣志

卷五 進士專貢表

合水縣知

李洵

孟縣知縣

馬良

訓導

宗賓

訓導

侯建功

聖

訓導

蘇守

訓導

任相

大同左衛
訓導

劉寵

謝天敘

張九思

萬曆

陳與音

按察使

楊守魯

陝西布政使司右布政

年七 楊尙約

年三十 章維甯

年八十二 張治統

浙江嘉興府通判

進士舉貢表

李沛

登州府訓導

張鎡

侯學詩

楊尙大

臨洮府教諭

楊尙清

汝甯府教授

望

良鄉縣志

卷五

年六十四 苑圃蕃

楊三聘

兩當縣教諭

馬思恩

張治具

張時雨

秀水縣丞

陳萬化

王前奏

天啓

苑圃蕃

史 廣西道御

良鄉縣志

卷五

進士舉貢表

崇禎

袁生芝

山西長子
縣知縣

楊之柄

二十二年

張國光

馮守愚

趙光前

王懋中

徐應選

朱之屏

張名世

張其志

望

涑水縣訓導

顧所聞

字性如仕至
南甯府通判

王嘉獻

侯嘉胤

國朝進士 武進士附 舉人 武舉附

順治

三年 楊三知

四年 張元樞

恩拔副歲優貢

乙酉 楊三統 恩貢

字建吾中城 兵馬司指揮

王秉樞 歲貢

字化垣山西 安邑縣知縣

唐 淮

字泗濱廣西 平樂府同知

丙戌 蘇之屏 歲貢

罔

卷五 進士舉貢表

良鄉縣志

叶年 苑育蕃

張元榜

三年 張 璟

字光重官 至御史

戊子 顧鼎植 拔貢

字象三廣西 南甯府通判

蘇 文 歲貢

字君實保定 府安州學正

辛卯 袁 奇 恩貢

字振韓山東 博興縣知縣

辛卯 張命卿 歲貢

字三台晉
州訓導

壬辰 張楫 恩貢

字式班湖廣
臨武縣知縣

癸巳 孫光前 歲貢

字玉堂

張沖斗

甲午 張之澄 拔貢
丙午副

浙江分水
縣知縣

望

乙未 張珽 歲貢

字正伯教習
山東邱縣知縣

丁酉 蔡芝生 歲貢

字鍾瑞教習
考授通判改
選浙江布政
司理問

己亥 甯有質 歲貢

字彬映山東
平原縣丞

辛丑 袁生蘭 恩貢

康熙

字晚仙山西垣曲縣知縣

卯年二張之英武舉庚戌馮爾猷

字雄高

癸卯楊之機

字野春

丑張標武舉

張祖涪武舉壬子高鴻讚

字爾樸雲南平彝守備

顧燦拔貢

張星煥武舉

字文昭

字泰徵

甲寅劉上達

良鄉縣志

卷五

進士舉貢表

吳

午李天漢武舉

楊煜

真定縣訓導

丑楊學嗣

李基元

字二甫知縣

丙辰唐建中

李嘉會武舉

戊戌張璨璨

永豐里人

字天章

庚申李應起

午陳璠

字搏鵬

良鄉縣志

卷五

進士舉貢表

壬戌 王泰敏秀

字鉉之

甲子 見聖

字懋修

丙寅 李天培

字雲裁

戊辰 張元德

庚午 見堯

甲子

字希唐

壬申 張翰

字文侯

甲戌 張士選

字貞先

丙子 徐瑛

字光若

戊寅 陳璠

字奐若

庚辰 高景行
字歧公

雍正 李天漢

恩賜武進士

子 丙午 杜伯鉅

乾隆 王應元

李吉人 武進士

王應元

科分無考

子 戊午 芮基

癸亥 張志純 歲貢

庚寅 閔攀桂 副貢

保定府完縣訓導

良鄉縣志

卷五

進士舉貢表

癸卯

字子厚

癸卯 楊植 副貢

候選教諭

子 癸酉 楊廷楷

雲南南甯縣知縣

丁酉 閔攀龍 拔貢

井陘縣教諭

子 癸卯 朱廷荃 武進士

原任湖南衡州協副將

子 壬午 朱廷耀 武舉

衛守備

辛丑 李宏謨 歲貢

山西候補知縣

子 癸卯 劉濬

己酉 喬德亨 拔貢

福建清流閩縣等縣知縣

臨城縣教諭

進士舉貢表

吳

戊午年
閔廷桂

廣平府威
縣訓導

朱廷蘭 武舉

德州衛守
備

戊午年
朱常河 武舉

廣西新泰協
中營都司

戊午年
楊希賢

山東東阿樂
陵等縣知縣

朱常慶

湖南桃源
桂陽等縣
知縣官至
慶遠府

朱常泰

六年乙卯
閔 慤

河間故城
縣教諭保
定府教授

庚午年
楊松年 歲貢

王 震 歲貢

侯選訓導

嘉慶

元年
朱常泰

原官內閣
中書典籍
文淵閣檢
閱萬安祿
米等倉監
督

九年甲子
孫 錦

癸酉
閔維城 拔貢

七年壬戌 朱常春 武進士

原官御前侍衛
福建汀州鎮左營遊擊

喬德馨

甲戌 汪廷璧 歲貢

薛大猷 恩貢

候選教諭

道光

十批 趙祿保

乙酉 鄭吉祥 拔貢

浙江候補道

候選教諭

二十癸 果漢源

戊子 王之臣 歲貢

二十四甲 高步濤 字仙洲

候選訓導

王殿元 武舉

丁酉 郭順 恩貢

良鄉縣志

卷五

進士貢表

辛

王殿元 武舉

候選訓導

二十癸 張淇 字竹坡

趙祿保 拔貢

游鳳岐 字曉峰

壬寅 閻燦 歲貢

大挑一等選
易州學正

候選訓導

二十癸 劉文熊 武舉

乙巳 孟廷賀 歲貢

候選訓導

咸豐

二年癸 果漢源

號文瀾吏部驗封司

五年卯 游觀第

乙卯 長俊 副貢

徐瑞 號南村 同辰 張齊禮 歲貢

主事陞員
外郎

紳游觀第

順德教授
卓異選授
湖北廣濟
縣知縣

治七年保

加五品銜

同治辛未

科大挑二

等選授奉

李青雲

天_府教_授

長俊

二癸
徐竣

武進士
欽點藍翎

許芳欄
號馥亭

良鄉縣志

卷五

進士舉貢表

至

侍衛差滿
以都司用
同治八年
選授廣東
南雄協中
軍都司

候選訓導

辛魏
翰拔貢

教習分發
山東知縣

壬劉
純恩貢

候選教諭

甲徐
靖歲貢

庚趙
維熊歲貢

候選訓導

楊耀山
優貢

朝考一等
以知縣用

果彥文
歲貢

張文智
歲貢

辛張雲第
歲貢

癸惠榮
優貢

光緒

二年

惠榮

內閣中書
俸滿截取
江蘇同知

九年

晉榮

良鄉縣志

卷五

進士貢表

二十
魏延齡

原名振遠
號致堂戶
部主事籤
分雲南司
行走

官甘肅知
縣署通渭
縣知縣

十年
仲榮

二年
魏振遠

惠榮

陳琇

晉榮

定榮 拔貢

山西候補
知縣

薛蔭 拔貢

字召棠候
選教諭

丙子 李有年 拔貢

候選教諭

丁丑 田淑清 歲貢

己卯 劉鳳信 歲貢

至

庚辰 劉繼庭 副貢

張筠 優貢

候選巡檢

辛巳 仲榮 歲貢

晉榮 歲貢

壬午 鮑玉蘭 歲貢

劉儒 歲貢

游觀易 歲貢

良鄉縣志

卷五

進士舉貢表

陳儁 歲貢

癸未 王翰元 歲貢

甲申 張紹堂 歲貢

乙酉 苑景星 歲貢

游開第 歲貢

丁亥 魏士倫 歲貢

丁亥 游觀武 歲貢

戊子 劉文義

三

封廕及文武眾途表

明封贈

恩廕

文職眾途

武職眾途

楊

琮以子秦貴
贈監察御史

趙世祿

尚書錦之姪以

趙

通以孫錦貴
封山西布政使

獲奸細功廕錦
衣衛百戶

趙

宣以子錦貴
封山西布政使

李宗禮

初任崑山縣丞
陞大同府經歷

辛昂

正統年
主簿

王倉

主簿

談元

縣丞

魯恭

縣丞

良鄉縣志

卷五

封廕及文武眾途表

許默

以上天順年

霍信

縣丞

武毅

主簿

楊倫

檢校

顏暉

主簿

孫舉

同知

梁弼

序班

魯銘

縣丞

以上成化年

陳世亨

主簿

張世卿

兵馬

侯淡

照磨

夏尚文

主簿

馬智

縣丞

趙相

檢校

馬讓

燕谷里人由錦
衣衛校尉總旗
任儀衛典儀累
官大甯前衛指
揮同知

傅鑑

陶村里人由金
吾衛土累功陞
本衛指揮同知

高晉家兒

燕谷里人由義
勇衛土累功陞
本衛指揮同知

鄭德

永豐里人由金
吾衛土累功陞

王

本衛指揮同知

王大

重義里人累陞
本衛指揮同知

張牛兒

石羊里人前所

李興

美化坊人中所

薛得

路村里人前所

任剛

路村里人前所

成亮

副千戶

高名

路村里人前所

永豐里人前所

以上皆洪武二
十四年有功陞授

良鄉縣志

卷五

封廕及文武眾途表

侯 瀾 知縣
以上正德年

徐 鏊 經歷

張 桂 經歷

侯 涇 經歷

侯 繼芳 主簿

張 廷桂 同知

趙 廷璧 泗州吏目

張 繼厚 經歷

趙 金 知事

徐 行 縣丞

宗 國正 西城兵馬

徐 溥 曹縣主簿

陳 文獻 南城兵馬

張 鎔 序班

顧 所養 陽州判官

張 銓 序班

宋 可畏 吉州吏目

張 思聰 序班

高 廷弼 序班

李 芳春 吳江縣知縣

張 孔昕 吏目

張 其盛 中書

張 孔浩 縣丞

王 來賓 黃縣主簿

張 棟 典史

蘇 鏞 大使

邵 俊 司獄

郭 廷秀 大使

南 煥 典史

侯 仲文 典史

常 桂 巡檢

邢 智 重義里人前所
百戶

路 通 廣豐里人右所
十戶

張 峪 重義里人前所
百戶

孟 梁兒 永豐里人左所
百戶

魯 齊 石羊里人右所
百戶

孟 興 公村里人前所
千戶

王 善 公村里人右所
百戶

盧 德 公村里人後所
百戶

劉 海 公村里人前所
百戶

安 雙兒 廣陽里人曾守
中衛中所副千戶

顏 忠 興禮里人鳳陽
留守

任 貴 永安里人中都
留守右衛後所
百戶

袁 海 高舍里人錦衣衛
校尉訓馬司百戶

郭 斌 重義里人錦衣衛
校尉陞中所百戶

孫 玉 高舍里人錦衣衛
校尉陞中所百戶
以上皆洪武二
十五年

良鄉縣志

卷五

封廕及文武職途表

邵璋 大使

李萬增 巡檢

梁繪 吏目

張思賢 大使

郭廷璽 大使

霍魁 大使

張朝仁 典史

羅鎮 吏目

張鏞 大使

焦廷霄 典史

蘇鈿 大使

趙麒 大使

施信 典史

陳貴 大使

段繼 大使

張大綱 大使

馬忠 美化坊人錦衣衛校尉校尉陞左所百戶

高升 永豐里人錦衣衛校尉陞後所百戶

郭濬 燕古里人義勇衛士陞金吾衛右所百戶

韓榮興 北趙里人義勇衛士陞前所千戶

楊勇 興州中屯衛人鎮撫舍人因武功卓著正統十四年通文者俱授文職任至湯陰縣主簿

楊守愚 興州中屯衛人錦衣衛陞前所百戶嘉靖年

孟繼守 錦衣衛旗衛陞木衛百戶萬曆年

張璜 萬曆年

張鑽 石羊里人東宮侍衛將軍擢張差有功誥封昭信校尉錦衣衛實授校百戶泰昌年

南可久 錦衣衛旗衛陞本衛千戶指揮僉事天啟年

孫文華 字雲公美化里人出行伍崇禎十一年任山海關守備詳忠烈

張之甲 州同 順治年

張國璽 順治三年兵部勘考滿十六年推

劉硯 公利里人北京西兵馬指揮使厚俗里人睢寧縣主簿

劉孚 美化里人河南磁州吏目

孟敬 厚俗里人山東濟甯州吏目

申峪 美化里人河南南陝州吏目

侯隰 廣陽里人湖廣雲夢縣知縣

王政 石羊里人山東泰安州吏目

翟迪 以上七人永樂二年有功生員舊志載入武功今摘錄於此

國朝

封贈

張明卿 以下景貴贈中憲大夫江西道

袁象乾 興安道生芝之姪以殉難廕任

恩廕

文職眾途

武職眾途

監察御史
配周氏贈恭人

張思聰

環生父以環貴
贈中憲大夫江
西道監察御史
配陳氏贈恭人

楊纘元

以子之柄貴贈
中憲大夫浙江
甯波府知府
配劉氏贈恭人

顧所聞

以子鼎植貴贈
承德郎廣西南
甯府通判
配陳氏贈安人

徐顯

以孫竣貴封昭
武都尉
配喬氏封恭人

徐肇興

以子竣貴封昭
武都尉
配支李氏封恭人

良鄉縣志

侯欽

以孫筠貴封文
林郎

侯德榮

以子筠貴封文
林郎

孫紹文

以子遠貴封文
林郎

王鎮

以子殿元貴
授武德騎尉
配楊氏封宜人

魏埈

以子延齡貴封
朝議大夫
配張氏封恭人

魏天祿

以子瀚貴封文
林郎
配謝氏封孺人

泗州知州

楊焜

榆林道三知
子以殉難歷任
廣東瓊州府
州知州

張星烺州同

李嘉采縣丞

張之發縣丞

張樾縣丞

李若泓縣丞

張椿主簿

張星煜縣丞

張星燾縣丞

康熙年

張孔昕湖北鹽法道

黃文州同

郭會極學正

梅光玉州同

李宗益州同

孟如陽縣丞

宋奎毆縣丞

卷五

封廕及文武職途表

劉之麟縣丞

張調鼎

張應良

張齡敷字潤之高舍里人

何潛龍字夫衡與州衛人

韓世登字洪字永安里人

翁世洽字際昌高舍里人

孫躍龍福建崇安巡檢

侯筠任四川璧山縣知縣

薛元松

咸豐三年辦理
文案保以縣主
簿儘先選用

武瑞浙江秀水

孫有志太常寺署

薛元栢侯選巡檢

長馨

授江南鎮江府守
營協鎮中軍守備

侯國祥

鼓腹屯人順治
四年授真鎮標
傷下守備勦賊被

杜明德

重義里人由行
伍陞提標中營
守備

翁璧

高舍里人由武
生陞拱極營磨
口石汛把總

張文發

高舍里人由行
伍陞霸州營都司

閻維甸

由行伍陞香山
營守備

楊慤

燕谷里人咸豐
四年以行伍投

勅單營立功奏
獎以儘先參將
節補賞花翎副
將銜統帶宣化
府練軍馬隊

楊廷梅

以長子希炯貴

楊廷貴

以胞姪希炯貴

長山

以從弟邑哈納

長傑

貴封朝議大夫

長馨

以子惠榮貴封

奉直大夫

良鄉縣志

啟豐元年由廩

生報捐內務府

筆帖式防十年為

夷務設防十年為

回良鄉辦團同

治查五年保甲以

公耐勞聞於急

上苑丞升街七

年馬賊竄擾王

京兆道出琉璃

河以辦團有法

賞津倉米四百

斛八年以助勦

鄰境馬賊功議

敘五品項戴

楊可雲

燕谷里人浙江

張鈞

字力廷光緒己

卯科薦舉孝廉

朝方正知縣分發

山東

錦榮

文生員候補內

封慶文武眾途表

弄

耆榮

文生員候補內

孫遠

候選中書科中

書前任河間府

學訓導

列女

自烏林氏授命固節驛而驛之事與名照耀天壤嗚呼清風激其頽俗高行表於千秋雖與噉日爭光可矣宜良邑之帷帟以節烈顯者相後先也王化之本標美中畿誌於人材之末猶夫金奏萬舞之亂關雎也爾

烏林答氏葛王烏祿妃時海陵王淫亂召妃妃曰我不行必殺王我當自勉不以累王也行至良

良鄉縣志

卷五人物志

列女

五

鄉縣自縊

元

王氏良鄉費隱妻隱有疾病且死屬曰我家貧一子一女雖妾所生無異汝所出也遂歿王氏居喪撫其子女既而子又死服除謂其親屬曰妾聞夫乃婦之天今夫已死妾生何爲乃執女手曰汝已稍知人事管鑰在此汝自司之遂相抱痛哭是夜縊死

周氏邑人魏成妾也成五十乏嗣娶周生一子後成疾周事之甚謹成歿周甫二十服闋親戚咸勸其更適周曰烈女不更二夫妾肯事二姓乎力耕織養姑三十餘年事聞詔旌其門

明

婁氏鼓腹屯民人朱清妻也年二十夫卒守節四十七年有貞操詔旌其門

周氏厚俗里張桐妻年十八生子繼厚甫三月桐卒周苦節四十年訓繼厚讀書入成均

良鄉縣志

卷五人物志

列女

李

張氏與州中屯衛吳恕妻恕行商卒於外張生一子父母欲改嫁之氏曰夫病不及視湯藥恨不能死忍棄其孤耶以死自誓撫子達十六歲娶孝廉謝暘女配之生一孫達又卒謝氏年十九人勸之嫁謝曰吾姑孀居老無子終養吾卽子也若棄之何面目地下乎遂婦姑同室寢處及壽終墓產靈芝二本入謂節孝所致子秉智充

歲薦孫棲鳳邑弟子員以高等食餼

王氏中屯右所千戶劉瓚妻年二十生二子瓚卒
氏甘貧守節以嚴厲自持閨門整肅時人有女
中丈夫之稱撫二子成立及孫大節皆繼襲祖
職事聞詔旌其門

楊氏舊店人李信妻事舅姑孝謹信收迷失女子
爲妾寵之待楊寢薄楊執婦道不衰後妾承訟
信繫獄楊乞貸錢米餽食其年獄解後信疾卒

良鄉縣志

卷五人物志列女 空

弟征謂母曰何以葬兄母曰嫁汝嫂氏聞之觸
牆而死

張氏劉奉妻也年二十二甫生一子鏗奉卒後鏗
卒氏撫二孫堯卿堯臣成立生曾孫數人年八
十二壽終鄉人歌之曰甫成佳配二三載獨守
霜幃六十年

楊氏中屯衛魏仁妻年二十七甫生子鎮兒仁卒
楊養姑撫子閨門嚴肅雖弟姪姻親不假以詞

苞冰蘖之操凜然年七十卒

張氏中屯衛楊泰妾也泰四十喪子妻侯氏請置妾泰不從強為納張生子守仁甫三歲泰卒張時二十二人勸之嫁以死自誓事侯如母年七十有五卒鄉人賢之

何氏太學生楊春妾也妻李氏年踰四十無子為夫納何生子守拙夫婦俱喪何氏年二十五族人憫其少欲奪志何誓死守節教子為人

良鄉縣志

卷五人物志

列女

三

五十以疾終

宗氏王堂妻宋宗澤之後也年二十堂卒子都方在襁抱人勸之嫁氏曰辱先之行吾忍為乎冰霜之操久而彌厲子都卒撫孫道兒伶仃艱苦人不能堪入十方卒

楊氏中屯衛楊瑄女適錦衣官舍王殉年三十歲生一子鑑兒殉卒依弟姪居舊店里中苦節堅貞壽八十

張氏年十六適中屯衛百戶沐眞二十二生子保
兒眞卒守節四十八年治家教子冰蘖肅然年
七十歲直指使者房公霸兵憲孟公交檄邑宰
榮其門以貞節旌之

張氏石羊里人張鴻臚銓之女適房山縣顧册村
段逢曦甫數旬曦卒氏欲自殺不克乃稱疾不
食父母及諸姑勸以餌葯佯應之不食七日而
卒

良鄉縣志

卷五人物志

列女

三

王氏楊福亨妻夫亡父與姑謀欲嫁之自縊死

國朝

高氏高舍里張守身之妻孝事翁姑教子悉成名
邑宰吳旌其門曰節孝雙全直指吳額其堂曰
貞耀儀宗

張氏石羊里張公予卿之女也適房山縣庠生王
明生方三載生沈疴不起執氏手訣曰汝娠生
男賴爾撫育幸矣若生女可奈何氏曰生男固

善不幸生女則隨於九原耳夫歿哭之慟人勸以全孕乃稍節哀旣而生女氏悲孕絕女幾母趙氏強慰之曰女亦夫遺體也曷善視之矧吾孤嫠撫汝匪易可弗念乎張泣曰兒旣爲木婦身非己有卽欲事母不可得矣自是水漿不進叩晝夜悲哀嘔血而卒監司邑郡同旌其門于氏石羊里監張授卿之母躬操井臼主中饋內外協和教育子孫卒勤不怠洵嫠中之足稱者

良鄉縣志

卷五人物志

列女

齒

李氏興州衛生員陳思牧之妻苦守艱辛勤勞教子次男方靖入泮按台旌其門曰慈節

朱氏美化里魏光胤之妻保赤守節遇賊遇兵遇荒皆瀕死而邀天幸終能教子有成以母氏兼

師道

劉氏路村里成朝品之妻甘心守節育幼成人洵婦中之貞一者

鄧氏路村里張承楊之妻孝順公姑守節不變

袁氏永豐里人生員楊九皋之妻公姑與夫相繼
亡氏殯葬盡禮且撫孤訓讀游泮食餼有守有
才爲鄉人所稱

孫氏興禮里蘇廷棟之母善事公姑訓子游泮始
終如一

吳氏辛莊里王維新妻十九歲事姑育子至六十
而卒四十年苦節凜然

見氏陶村里魏天良妻三十歲守節子女俱無以
女工度日事奉公姑婦代子職以壽終

張氏石羊里生員張燦之長女十四歲適蔡樹瓊
爲妻隨翁之任因夫故哭泣絕食意在殉夫百
方勸慰莫能解翁諭以伯子繼之氏答曰所天
不祿尙復何謀遂病沈不起一片冰心千古爲
烈

魏氏琉璃河楊國璋妻刲股以療公姑沈痼因之
以愈孝婦也邑宰詳本道耿批孝誠有格給匾

以示獎勵可附之節烈爲婦道訓也

張氏興州屯唐澎之妻原任陽信縣知縣張子卿次女夫卒無嗣繼姪爲子訓以義方旋入泮苦節自貞蓋以母道而兼師道者

傅氏丁酉科舉人張元榜妻苦節四十年教三子成立長焜食餼次煨次燂俱游泮錚錚有聲

白氏虞膳生甯國璧繼妻國璧卒時氏尙年少貧無恆產撫育子女專務績紡以供衣食每至糠

良鄉縣志

卷五人物志

列女

五

糝不厭鶉衣百結閨門寂寞節操凜然歷四十餘年如一日

胡氏鼓腹屯董文明之妻青年喪偶家貧無依勤於女工以自給苦節三十餘年卒能教子就學列名庠序亦閨閣中之卓卓者

劉氏美化里武童孫紹武妻夫故氏年二十九遺一子尙幼氏痛絕欲殉夫屢經救免矢志堅貞撫孤成立苦節三十四年卒年六十二

王氏賀照雲村正藍旗梁永泰妻年二十二守節
無子以伯子梁何爲嗣家業寒微撫孤子以自
立本府賀憐其苦節爲旌門閭無何梁何病歿
妻孫氏年二十七生一子世福在襁抱守田宅
數畝僅自給迨世福稍長爲授室遽卒妻孫氏
撫一子梁吉方三周一門三婦節凜冰霜鄉里
咸欽重焉

王氏王家莊土俊次女適房邑小店村梁姓夫歿

年未二十翁姑以無子勸改適氏矢志守節伯僅
一子在襁抱許再添丁爲立嗣越數年伯氏亡
娣姒共撫孤兒兒授室後幸舉一孫伶仃孤苦
飽歷艱辛今行年六十八歲

陳氏居大紫草兀村李鳴鐘繼妻年二十一夫亡
矢志守節姑老子方周歲家故儒素繼而貧窶
益甚氏仰事俯畜心力俱瘁孀姑歿勉營殯葬
如禮教撫其子以至成立苦節四十九年咸豐

十一年卒

陳氏米糧屯村馬芳妻年二十六夫故遺子女俱幼穉茹苦守節終始不渝年六十九歲無疾而歿

王氏年十七適東關楊福亨爲妻相夫事翁姑孝養無缺旋翁與夫相繼歿王年二十四無出家徒壁立父痛女無依勸改適孀姑以其年少亦不欲留王誓死不貳繼而父強以女許人受聘

良鄉縣志

卷五人物志

列女

五

後喚歸告知王佯應之曰父母之命不敢違惟改嫁他姓亦當詣故夫墓祭別父信之送歸卽日至夫墓致祭痛哭不已抵家拜別孀姑乘便自縊鄰里趨救氣已絕矣年二十九歲貞烈之操死不可奪邑宰李勒石墓前以褒揚焉

史氏文生周紳妻夫故堅志守節四十三年冰雪清操久而弥篤

于氏文生周瀚妻夫亡撫孤守節二十七年

張氏在城廩生薛岱妻拔貢生薛蔭之高祖母也
乾隆三十年夫故年三十歲有子五俱幼家無
恆產或勸貨所居屋以自給氏曰吾撫育諸孤
將舉舊門閭而光大之忍自吾身棄之乎自是
衣食所出皆仰給於十指更刻意居積供諸子
讀書之費後少子大猷食餼由 恩貢就教職
餘亦各有成立八十三歲無疾而終奉

旨旌表

良鄉縣志

卷五人物志

列女

完

宋氏豐足屯吳荃妻也乾隆四十二年荃故遺二
女氏年二十二歲事孀姑撫幼女含辛茹苦志
節凜然卒年八十九歲計苦節六十七年

方氏駐防甲兵福林布妻事翁姑至孝乾隆五十
六年夫故氏年二十六歲子多罕尙幼甘貧守
節矢志不移後多罕娶妻汪氏不數年以疾卒
遺子女各一汪亦青年守志以節孝

聞方於嘉慶二十年

旌表汪於道光二十年

旌表

高氏武生見瑞妻瑞故於乾隆五十二年氏年二十四歲無所出甘心守節卒年七十一歲計苦節四十七年

張氏在城民人翁瑾妻瑾故於嘉慶十五年時氏年二十九歲子殿良甫六歲安貧守節事姑以孝聞殿良娶妻李氏旋於道光十六年故遺子

良鄉縣志

卷五人物志

烈女

卅

一二長銓次錚李年二十八歲相繼守節事孀姑孝養尤至嗣咸豐八年銓以疾卒妻邵氏亦青年守志三世孤孀一門貞節

辛氏在城民人張玉佩妻湖北鹽法道張孔昕元孫婦也玉佩故時氏年二十九遺子女各一翁姑俱七旬兼有鰥居之叔翁寡居之胞姊一門老弱孤苦不可言狀氏貞操自矢事衰親撫弱息喪葬嫁娶艱苦備嘗道光十二年氏年七十

三歲計守節四十三年奉

旨旌表

楊氏在城民人魏明妻戶部主事魏延齡之叔曾
祖母也嘉慶九年夫故氏年二十八歲無所出
翁姑俱七旬承顏養志俾堂上無喪子憂節孝
兼全鄉里咸欽重焉道光十五年奉

旨旌表

杜氏興之女南梨園陳富妻夫故時氏年二十四

良鄉縣志

卷五人物志

列女

三

歲撫孤守節艱苦備嘗現年已七十餘矣

卜氏本邑駐防防守尉堆棲女道光二年夫患

疾氏晝夜侍奉終身是齋兼典質粧奩爲醫藥

資六年夫故氏無所出矢志守節二十七年本

管祠請

旌表

董氏在城民人翁理妻十九歲歸理事孀姑以孝
聞道光九年理故氏無出甘貧守節以紡織餬

口孀姑歿卜葬如禮卒年四十一歲計守節二十年

張氏在城民人尹文德妻道光二十年文德故氏年二十六歲無出甘貧守節事翁姑孝養備至翁故竭力殯塋後姑年登大耋氏亦享年七十餘人以爲節孝所感云

劉氏任家營文生游祥宇妻嘉慶六年祥宇故氏年二十四歲無子以胞姪鳳濱爲嗣卒年六十

良鄉縣志

卷五人物志

列女

三

二歲計守節三十八年

周氏長陽村王鉞妻鉞故於道光十二年時氏年二十九歲計守節四十餘年

楊氏涿州楊秀亭女十七歲歸琉璃河文童呂清福爲妻生子一清福旋以疾終時氏年二十三歲哀毀過甚而侍奉翁姑不改常度恐其傷親心也卒年五十二歲計守節二十九年子桐邑庠生

張氏黃辛莊武生閨志誠妻道光九年氏十九歲
歸志誠十六年志誠故氏無出甘心守節計孀
居四十餘年

楊氏其善女在城民人馬亭之妻道光二十年亭
故遺子女各一氏年二十九歲兄嫂哀其孤孀
勸令改適氏以死自誓後子女均成立計守節
四十餘年

王氏生員王翰元胞妹馮瑞妻性賢淑事姑孝謹

待伯姒以敬更精女紅瑞遠賈塞外日奔走荒
沙白艸間積受寒濕遂嬰痼疾衣不纏綿數載
王周旋藥錙茗火無幾微情容及病殆衣不解
帶數月禱於天願身代割臂肉和藥以進卒不
起僅一女亦隨殤時年三十伯氏以貧勸令嫁
王以死自矢十餘年自食己力竭十指之資以
奉孀姑孝行苦節里党無間言伯有一子擬兼
祧未婚而殤伯氏亦二姑媳三孀且乏嗣茶蘖

同甘亦可哀己

陳氏重各莊民人張芳桂妻年二十三于歸時孀
姑年逾八旬多病陳相夫侍湯藥維謹便溺躬
親數年無惰容姑歿哀禮兼至三十二夫故家
貧矢志守節二子俱幼督課不少姑息長熙入
泮食餼次煦習吏事皆成立陳以壽終光緒十
三年呈請

旌表入祀節孝祠

良鄉縣志

卷五人物志

列女

七

蘇氏豐足屯人住蕭家莊武生宋光先繼室幼識
文字守女誠年二十于歸事翁姑以孝稱三十
二夫故家漸落蘇刻苦自勵孫濟川年方五歲
卽教以讀書皆親指授不徒訓誥章句持身務
使明大義苦節四十餘年至七十三歲卒

楊氏仙芝妻于歸後克相其夫夫歿氏年二十二
以夫從子春煦爲嗣矢志不二守節三十七年
王氏住南洛村羅文妻王居敬女文故時氏年二

十三矢志守節冰蘖之操歷久彌堅卒年七十
三

李氏年十九適永豐里崔惠爲妻克盡婦職二十
九夫故以舅姑在堂二子國治國璽俱幼不敢
身殉矢志苦守事畜無缺教家以儉勤四世同
堂子孫昌熾至九十八歲卒計守節六十九年
董氏琉璃店村武義都尉董徵之女領催楊希禮
妻年十五子歸事孀姑克孝相夫以敬順稱夫

良鄉縣志

卷五人物志

列女

七

歿氏方十九遺孤二齡冀爲夫延一綫撫養備
至雖縫浣皆不假僕婦手姑素患痰疾侍湯藥
親扶抑歷十載如一日族黨賢之享年七十有
一守節五十二年

任氏年二十適張文煥爲妻三十夫亡子增年甫
三歲家無儋石氏忍死不改適終事衰翁撫幼
子成立艱苦彌貞現年六十七計守節三十七
年

姚氏武舉姚齡女同科武舉姚瑞姪女文童王連
元妻年十九適王王多病姚調護維謹結禱未
三月夫歿姚矢志死靡他冰霜之操凜然至四十
八歲卒

孫氏五姑美化里文童孫琦女性敏慧七歲嗜學
偕弟紹文讀於家塾至十一文義通達喜呂新
吾小兒語朱子小學烈女傳孝忠經五種遺規
諸書冬月誦讀尤勤十三於四子書毛詩內外

傳註三禮書易春秋悉能解悟旁涉唐宋以來
詩古文詞及帖括近體詩均過目成誦每作文
不加點兼考究書法又好讀史有手抄通鑑節
要全函惜遺失僅存殘稿八本未梓十四遭父
喪遂廢讀家貧藜藿不充佐弟筆耕傭書以奉
母溫清以禮定省無缺許同邑豆店鎮張氏子
博文好學年十六偶患寒疾遂不起孫矢志堅
貞誓不改字是年母亦染疫焚香禱天願以身

代割股和藥以進母遂愈侍疾計月餘湯藥親嘗衣不解帶憂勞成疾病萬囑弟紹文當孝親植品窮居安分得志行道恭敬爲懷無忝所生又囑母撫子爲要勿以女歿過傷言畢遂逝得年十七因未嫁附葬西郭外祖營之側後其弟紹文一如所教孝敬無違且恆以利濟爲心鄉里稱善人知貞女之感被深矣

李氏水碾村庠生薄元勲妻夫故氏年二十八因

良鄉縣志

卷五人物志

列女

七

謂人曰夫亡子幼翁姑之所賴者惟吾而已於是躬代子職力謀奉養務得堂上歡心嚴訓子清儒讀名列膠庠氏年六十九猶矚強如常

王氏興州屯文童喬鳳岡妻幼讀書深曉大義年十九于歸家貧隨夫幕游河南因逆匪竄擾流離靡定奔至葉縣夫猝病歿遺一女在襁抱零丁無依氏忍死守節盡鬻衣飾器具間關千里攜幼女扶柩歸鄉里營葬畢家無立錫地藉針

滂爲活女旣長擇壻嫁之熒熒孤嫠歷久不改
貞操現年五十三計守節二十八年

劉氏廣陽里謝懷玉妻年十九于歸二十三夫故
有遺娠不敢殉孝事翁姑撫幼子寬成人現年
七十四守節五十一年

李氏居張謝村年十八適錢信爲妻二十五夫猝
病亡遺一子甫三齡矢志堅貞安貧守節上事
翁姑下育孤兒賴紡織以謀朝夕今翁姑歿子

己成立氏年六旬計守節三十五年

劉氏年十九適興州屯李琨爲妻夫故矢志不貳
事翁姑孝謹教子以義方五世同堂孫曾蕃衍
享壽至期頤守節七十八年

薛氏薛元桐女辛莊里三甲李春芳妻年十九歸
李夫故遺子均在髫齡氏安貧守節藉女紅以
養幼今己成人氏年六十九計守節三十一年

王氏公村鄭連妻年三十七夫亡矢志守節年逾

六旬長子延璽死媳范氏亦在青年遺孤方數月范拾柴採薪以謀朝夕更勤針黹以養孀姑及次子延玉稍長念母與嫂守節艱苦欲令姪讀書成名以爲報苦無資遂傭工以備脩脯一門清節人咸欽之王氏壽至八旬無疾而終范氏現年五十有餘

馬氏李家莊馬德女琉璃河甯榮妻年十七于歸二十四夫故無子夫弟尙稚弱家無恆產馬竭

良鄉縣志

卷五人物志

列女

堯

力謀菽水奉養翁姑以一身代夫職人咸稱之蘇氏居福善屯年十八歸文童劉璧二十九夫故無出家極貧子身苦守賴女工以自給現年六十守節三十一年

陳氏興州屯劉義妻年十八于歸恪盡婦職事翁姑以孝稱二十八夫故遺孤二齡矢志冰蘖晨昏之奉務得歡心後翁姑相繼逝竭力營殯葬如禮教子讀書入邑庠現年五十八守節三十

年

雷氏任家村吳廷琦妻年三十撫孤守節備極艱辛現年六十五

閆氏鮑家莊鮑成德妻涿州閆鳳岐女成德故氏年二十七矢志不貳事翁姑克孝撫幼女以慈守節四十九年卒年七十六

張氏厚俗里武庠閆志和妻年二十九夫亡矢志守節子女無出夫弟俱年幼氏孝事翁姑一家

良鄉縣志

卷五人物志

列女

全

薪米之奉悉仰給之繼翁姑歿夫弟武功以疾卒遺一子仲魁其妻祁氏亦矢志守節二十餘年同甘荼苦人稱雙節張氏以姪仲書爲嗣現年七十三計守節四十餘年

李氏常聯誠妻居城南路村夫故無子苦志守節三十七年

關氏年二十四夫故無子以姪長海爲嗣苦節三十餘年

杜氏厚俗里高占魁妻于歸七月夫嬰痼疾遽歿
翁姑年高夫弟占陵幼弱惟恃勤操作爲晨夕
奉以姪維新爲嗣教養兼至繼而翁與嗣子皆
病歿孤棲茹苦迄無怨言卒年六十五

徐氏常鴻妻徐世傑女于歸後克相其夫二十七
夫故矢志守節奉翁姑克孝撫子女成立現年
八十餘

臧氏交道村文生張煊妻臧思德女夫亡孝事舅
浪鄉縣志
卷五人物志
列女
三
姑撫孤守節三十六年

徐氏莊頭村左泰妻文生徐世傑女年二十一夫
亡事親教子孝養兼至現年七十五

徐氏王俊妻年十八歸王夫故奉親撫幼苦節三
十餘年同治十年

詔旌其門

王氏殿純妻年二十一夫歿無子女篤志守節現
年七十

王氏張殿舒妻年二十三夫故無出堅守苦節現年五十

孫氏周景山妻夫早故家無恆產苦志守節歷五
十三年現年八十歲

王氏適趙夫故無子堅志守節三十年

馬氏適王夫故無子家貧紡績自給守節三十三
年

成氏年十五適李永榮居北白村十九夫亡堅志

良鄉縣志

卷五人物志

列女

全

守節事翁姑教養幼子鄉里以賢孝稱

劉氏夢隆女北白村程憲利妻年十八于歸二十

九夫故家無儋石矢志苦守且朝夕謀事畜終
始不渝

張氏文生宋延齡妻年十九歸宋相夫守婦道二

十九夫故堅貞守節奉事翁姑誠敬如一教二
子均列膠庠現年七十九計守節五十年

曹氏楊錦榮妻涿州女童曹蘭女錦榮故氏年二

十守節撫孤艱窘特甚紡績以供朝夕繼爲子
娶婦共操作益甚無怨言冰霜之節之死靡他
常氏交道村舉人張淇妻病篤氏割股合藥以進
卒不起氏栢舟自誓甘食苦以終其身

徐氏李荃妻荃故時氏年十九一意殉夫數日不
食經孀姑哀諭云汝夫旣死汝又不欲生吾亦
無意人世矣氏素知大義惻然以事姑自任躬
代子職奉養一如平時無子以堂姪景清爲嗣
己爲授室守節二十八年現年四十七

良鄉縣志

卷五人物志

列女

全

吳氏陳祿之繼室祿故氏年二十五殉夫未遂誓
死靡他事孀姑孝謹撫前室子女如己出守節
三十一年現年五十六

張氏馮同祿妻年十九夫故無子女甘貧守節年
七十五以飢餓死

劉氏程璽妻夫故無出矢志守節伯氏有子女四
孫五以仲孫名惠爲之孫以延一脈其平居教

育兼施珍如已出今已游庠

謝氏謝亭女趙寶田妻現年五十六守節三十一年

馮氏馮坤女劉近仁妻年十九適劉夫故守節三十年

張氏劉紹忠妻守節三十一年

高杜氏夫卧病經年因俗有喜冲病之說卜娶歸夫遽卒翁姑勸其改適氏誓死不貳擇族子爲

良鄉縣志

卷五人物志

列女

齒

嗣上事翁姑下教子媳終身如一日里黨賢之馮氏務滋村馬國弼妻道光十八年夫故氏年二十九歲撫孤守節貞操凜然卒年六十三歲計守節三十四年

孫氏務滋村馬國相妻道光十八年國相故氏年二十六歲無出計守節四十餘年

陳氏琉璃河謝君恩妻道光三年夫故氏年二十五歲矢志守節事孀姑至孝撫嗣子成立計苦

節五十餘年

陳氏琉璃河民人程瑞妻道光十年夫故氏年二十一歲矢志守節有孀從姑在堂菽水承歡孝養無缺計苦節四十餘年

董氏在城民人甯雲岫妻道光二十一年夫故氏年二十九歲無出翁姑俱在堂氏日夜紡織以佐饗殮計孀居四十餘年節孝兼全鄉里至今稱之

李氏貢生收之女占家莊民人楊俊妻道光二十二年俊以疾卒氏年二十三歲有子女各一撫孤守節矢志不移卒年四十八歲計苦節二十六年

支氏在城儒童魏良妻道光二十五年良故氏年二十二歲生遺腹子六歲而殤氏矢志守節以嫡堂姪士傑爲子上事夫翁以孝謹稱現年六十餘計守節四十年矣

李氏石羊村旗人李棟女二十二歲歸駐防管文
童玉魁爲室甫三月玉魁以疾卒氏慨然曰夫
死本應身殉所以不死者以祖翁翁姑在堂願
代夫奉養耳旣而翁思子得疾纏綿床褥氏晝
夜侍湯藥並焚香告天祈以身代越數月翁疾
愈人以爲孝感所致現年五十餘計守節三十
年矣

王氏太常寺署正孫有志妻十九年歸有志越四
良鄉縣志
卷五八人物志
列女
全
年有志卒於京師遺一子氏攜之歸良矢志守
節事孀姑曲盡婦道現年五十餘守節已三十
年矣

王氏文童劉儒翰妻夫沒氏年二十四歲無子女
矢志守節姑患咽痛不飲食者六日氏割臂煎
藥姑飲之立瘥人以爲孝感所致云

陳氏民人永祥之女年十八適文童劉義義患痼
疾氏刺指血書疏祈禱願減已算爲夫延壽義

故氏年二十八矢志守節事翁姑以孝聞撫孤
淮漢讀書有成氏之力也光緒元年歿年五十
六守節二十九年

雷氏吳廷琦妻年二十一適廷琦逾二年廷琦歿
堂有老翁子僅週歲氏以節自矢孝慈兼至鄉
里稱之現年七十歲

狄氏吳榮妻榮歿氏年三十現六十八歲計守節
三十八年

良鄉縣志

卷五人物志

列女

七

王氏羅榮妻道光十二年夫故氏年二十三有子
文錦同治十年氏故守節三十九年

劉氏文童王忠妻邑庠成棟成志之母忠歿氏年
二十九冰霜自勵茹苦含辛光緒十年故守節
三十五年

趙氏王成文妻成文咸豐五年故氏年二十四遺
一子一女堂有翁姑家無恆產氏勤紡績供甘
旨以孝聞現年五十八歲

曹氏趙祥妻祥二十三歲卒氏與同庚苦節自矢
現年七十一祥兄子德壽嗣

盧氏文庠李振堂妻振堂卒氏年二十七歲守節
無子以姪爲嗣氏愛逾己出年五十四

劉孝女父玉林城南劉平莊人也女年二十喪母痛
其父旣鯨且奉養無人遂守貞不嫁父病疽女
剗股肉和藥以進並取瘡膿置畚剪口冀以身
代父旋卒女未幾亦卒年五十歲

良鄉縣志

卷五人物志

列女

全

林氏蕭化政妻邑庠林鶴鳴之女夫故時氏二十
六歲守志撫孤事翁姑克稱孝謹現年四十四
武氏豆店鎮史國珍妻國珍故氏年十九無子以
堂姪玉成爲嗣教養兼至後入邑庠氏年七十
四卒守節五十六年

崔氏常孝先妻夫故氏年二十三無子以堂姪常
珮爲嗣教育維勤旋入泮苦志守節七十三年
以壽終

李氏豆店鎮張殿猷妻夫故氏年二十三教養其子振綱入泮苦節五十二年

郎氏豆店鎮張佩蓮妻夫故氏年二十二撫孤守節五十三年

閻氏旺處村李成林妻夫故氏年二十四遺一子名創兒性絕癡撫養成立且孀姑在堂曲事之務得歡心堅志守節四十九年

魏氏豆店苑懷川妻夫故氏年二十一無出翁姑

良鄉縣志

卷五人物志

列女

九

在堂侍養維謹堅志守節三十一年

高氏高福德女文童劉文棟妻翁姑年高克盡孝養撫遺孤備極勤劬計守節三十二年現年五

十九

王氏東關武生劉順妻年二十六夫故養親撫幼堅苦守節三十年

劉氏魏珍妻年十九于歸閱十一年珍故氏事孀姑曲盡婦職所生子女先後夭亡以姪爲嗣撫

養成立栢舟自誓歷三十餘年

張氏燕谷里文童呂清瑞妻年二十六夫故孀姑
年高遺孤穉弱零丁無依氏作苦倍於尋恆宗
族鄰里無間言抱孫後子中歲亡兒婦王氏貞
守孝行於姑有同志焉光緒四年循例報部呈
請

旌表歿年七十四

劉大娥劉平莊民人劉玉麟長女青年守貞割股

良鄉縣志

卷五人物志

列女

九十一

療親閭里稱孝光緒十四年詳請

旌表

楊董氏內務府會計司莊頭楊希禮之妻鑲黃旗內
務府漢軍會計司郎中徵敬之次女年二十一
夫故時姑逾八旬子方六歲親近皆宦游外省
以無人起租悞課失差致貧氏不計艱苦仰事
俯畜日以針黹供衣食母家每餽遺輒不受甘
自食貧足不出戶者五十一年惜生前未舉行

旌表至今族黨述及節孝猶讚嘆不已云壽七十二歲

邁氏于懷之妻同治十年永定河決成災夫外出乞食時翁年六旬赴村外拾柴薪凍斃於野鄉鄰奔告邁及邁至已氣絕邁盡解己身綿衣覆翁身央鄰人舁歸至家禱於神竟復活

王氏邑武生曹大成生母性慵爽明大義濟急救貧無吝色嘗出腴田百餘畝歸學校爲寒士膏

良鄉縣志

卷五人物志

列女

三

火資卓識懿行巾幗罕有乾隆四十四年知縣張習立碑以表揚之

官氏官四女廩膳生李占春妻夫蚤亡有幼子一名振東年三歲煢煢孑立家極貧僅遺產數畝氏親事芸耨以爲撫育及長誠之曰爾祖父書香由來舊矣不可由爾身斷絕送爾南學宜勉力讀書不然是我失教死無面目見爾祖父於地下也現年五十七

孫氏南呂村楊二妻長社村孫成貴女也年十七歸夫家貧窘無立錐地夫又無行不半戴盡鬻其糶奩母家又落幾不能自存或勸之改適泣且怒曰朱買臣婦因貧求去貽臭千古應亦聞之何竟以不經之談相勸勉居母家已十數載備歷艱辛卒無二志鄉里咸欽之

王氏長社村王得海妻里渠王綱女也蚤歲夫卒遺幼子鎖兒僅四齡姑又亡翁在堂已衰憊三弟皆未婚薄田十數畝不能供食指皆出傭工於人一家生計惟婦是賴夜勤針黹晝操井臼迄無怨言現年四十三

劉氏太平莊賈國治妻臥村劉二女也蚤歲夫亡無子惟一女年三齡家無負郭田茅屋一椽聊蔽風雨賣鹽度日終無二心現年六十四

王氏長社村附生王廷佐妻年七十二猶強健樂濟貧恤難持家勤儉教子有方其父蚤亡有三

子長太學生次附生三增生皆賴母訓克成名焉

郭氏賈河村郭一女西地村劉惠妻夫蚤亡無子惟遺一女方六歲婦繩趨矩步動必如禮現年五十三

徐氏興隆莊王某妻夫故後堅志守節且善治生家僅自給恆樂施與生平不苟言笑冰霜自矢尤爲衆口交稱舉人徐南村爲請

良鄉縣志

卷五人物志

列女

三

旌建坊於本村

李氏薄元勲妻道光二十一年守節現年七十六子名清儒居城東水碾屯村

王氏殿勲妻年二十守節現年八十猶強健無子獨居城東水碾屯村

吳氏姚慶雲妻水碾村人同治元年夫故矢志守節現年五十二

趙氏城北十二里公村陳謙妻乾隆五十三年夫

故氏十九至道光十五年歿以夫弟祥之次子
尙選爲嗣爲本學武生

良鄉縣志

卷五人物志

列女

七



